

PASTORE

Unu pastore
 andat e torrat
 dae cubile a bidida
 garrigu de anticas balentias.
 Unu palatu pro domo
 non cuzicat su fracu
 chi li ponet fatu
 dae sa mandra a casile.
 Luchidu che oro
 in sa beste de belludu
 est bellu a lu mirare
 dae innedda.
 Berbecarju in padente
 berbecarju a passizu
 berbecarju in sa carena
 berbecarju in s'anima.
 Dae zilleri in zilleri
 afocat
 in d'una tassa de binu
 s'amore e s'òdiu
 chi li buddit in coro.
 Sa betura
 bolat che bentu
 dae sa cussorja a bidida.
 Unu pinnetu bòdiu
 abarrat pro amentu
 in sa tanca soliana.
 Imbaradu a una contonada
 unu pastore
 est istranzu in bidida sua.

PECORAIO

Un pastore / va e ritorna / dall'ovile al paese / carico di antiche valentie. / Un palazzo per abitazione / non copre l'odore / che gli sta dietro / dal chiuso alla casa. / Splendente come l'oro / nel suo abito di velluto / è bello da mirare / da lontano. / Pecoraio nel bosco / pecoraio a passeggio / pecoraio nel corpo / pecoraio nell'anima. / Tra un bar e l'altro / affoga / in un bicchier di vino / l'amore e l'odio / che gli ribolle in cuore. / L'automobile / vola come il vento / dai pascoli al paese. / Una capanna / resta per ricordo / nella tanca soleggiata. / Appoggiato a un cantone / un pastore / è straniero in paese.